

Edizioni

- letto 513 volte

Wallensköld

I.

Robert, veez de Perron
conme il a le cuer felon,
qu'a un si loigtaing baron
veut sa fille marier,
qui a si clere façon
que l'en s'i porroit mirer!

II.

Hé, Deus! Con ci faut reson!
Veez du vis de fuiron!
Gente de toute façon,
or vos en voi je mener.
Robert, ne vaut un bouton
qui si l'en lera aler.

III.

- Sire, vos doit on blasmer,
s'ensi l'en lessiez mener.
Ce que tant poëz amer
et ou avez tel pouoir
n'en devez lessier aler
pour terre ne pour avoir.

IV.

Mult par avroiz le cuer noir,
quant vous en savroiz le voir.
N'avroiz force ne pouoir
de li veoir ne sentir;
et sachiez: si bel avoir
doit on près de lui tenir.

V.

- Robert, je vueil melz morir,
s'il li venoit a plesir,
que l'en lessasse partir

pour trestoute ma conté.
Hé, las! Qui porroit gesir
une nuit lez son costé!

VI.

- Sire, Deus vous dont joir
de ce qu'avez desirré!

VII.

- Robert, je m'en crien morir,
quant il l'ont fet, mau gré Dé!

- letto 477 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizioni-452>